
Семинар-тренинг Экология ва атроф-муҳитни муҳофаза қилишда янгича ёндашув

Фарғона шаҳридаги “777” меҳмонхонаси залида Экология ва атроф муҳитни муҳофаза қилиш давлат қўмитаси БМТнинг Ўқув ва илмий-тадқиқот институти билан ҳамкорликда амалга оширилаётган “Кимёвий моддаларни халқаро бошқариш юзасидан стратегик ёндашувни қўллаб-қувватлаш ва глобал даражада келишилган кимёвий моддаларни классификация қилиш ва тамғалаш тизимини Ўзбекистонга жорий қилиш” халқаро лойиҳаси доирасида семинар-тренинг ташкил этилди.

Тадбирда Фарғона вилояти Экология ва атроф муҳитни муҳофаза қилиш бошқармаси вакили, “МДХ иштирокчиси – давлатларнинг тартибга солиш амалиётини яқинлаштириш бўйича мувофиқлаштириш ахборот маркази” Хавфсизлик департаментининг Кимёвий хавфсизлик йўналиши раҳбари Наталья Дружинина ўз маърузаси билан иштирок этди.

Иштирокчилар хавфлилик тўғрисида маълумот бериш, хавфсизлик паспорти ва кимёвий моддаларни тамғалашга доир билимларга ҳам эга бўлдилар.

Тренингдан кўзланган мақсад вилоятимизда Глобал даражада келишилган кимёвий моддаларни классификация қилиш ва тамғалаш(ГКТ)ни жорий этишга қаратилган.

Семинар иштирокчилари ўзларини қизиқтирган саволларга атрофлича жавоб олдилар.

Шоҳсанам МИРЗАОЛИМОВА.

2018-11-30 17:02:04